



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 152. De traditis bonis in villa Budinefeldun in Angaria et in pago Logne,
nec non de Angaria veteri.

urn:nbn:de:hbz:466:1-36114

Ab anno
867 usque
853 im-
perante
Hilodo-
uico et

et in *beuerungun* (l) cum omnibus pertinentiis eorum id est cum terris cultis et incultis siluis pratis pasuis aquis aquarumue decursibus exitibus et regressibus nec non et mancipiis utriusque sexus ad eadem loca pertinentibus huic traditioni praesentes affuerunt hi *bardo comes thiandger comes marchobodo comes ecbert* adalold eyulf horid cado et alii LVII omnes autem huic traditioni praesentes fuere LXXV.

§. 150.

Tradidit hildlec et thiadbert in *falobus* (m) mansum unum cum filiis et pasuis testes habent horic uolchard uoohrid baddo et alii XI.

§. 151.

Tradidit abbe pro anima uiri sui in *dungun* (n) testes iidem qui supra.

§. 152.

Tradidit adalbold pro remedio animae matris suae suuanahild quidquid habuit in *budinesfeldun* (o) in *amriki* (p) testes ghiki uuulfrid folker maynhard bernulf et alii decem.

§. 153.

De villa
Beuerungun-
gen.

(l) *Beuerungun* hodie appellatur *Beuerungun*, atque oppidulum est ad fluvium Visurgis ripam, vix iter dimidia hora a vico distans Werden. Olim spectauit locus ad iura principis Corbeiensis. Nunc vero refertur partim ad Corbeiensem abbatem, partim ad episcopum Paderbornensem. Iacent autem haec tria loca quasi in triangulo, atque olim erant, testante Registro nostro, in pago *Nerga*. Ipsa villis Godeleuesheim et Rehon, quae eodem in pago fuere, circumcluduntur.

De villa
Falobus.

(m) *Falobus* villa erat in pago *Nitbega*, iam desolata, olim in episcopatu Paderbornensi haud procul a Gerden vico sita.

De villa
Dungun.

(n) *Dungun* villa olim sita erat in pago *Auga*, dudum vero euersa, obuia in territorio Corbeiensi inter Lebendorf et Furstenauiam, vno milliari a nostra Corbeia distantem. *Abbe*, quae haec tradidit pro viro suo, videtur domina fuisse vel *Witmanni* comitis, vel *Herimanni* vxor, de quibus vide §. 148. et 93.

De villa
Budines-
feldun.


(o) De villa *Budinesfeld* in pago *Logne* intra principatum Gottingensem vide supra §. 33. not. (u). Sed non est extra omnem dubitationem positum, eandem villam *Bodensfeld* ad Wiseram hic designari. Quia enim, testante diplomate supra §. 139. allato, etiam villa quaedam *Budinesfeldon* fuit in pago *Nitberse*, quae villa desolata est non procul a vico Driborg in episcopatu Paderbornensi, vti iam supra diximus §. 87. perhibere quis posset, eundem vicum *Benulite* hic indicari, quia certum est, pagum *Nitberse* seu *Nethga* ad Angariam pertinuisse. Quare delige, vtra placuerit. Mihi inter haec probabilissimum videtur, denotari *Bodensfelde* ad Wiseram, quae villa olim erat in pago *Logne*.

De An-
garia ve-
teri.

(p) *Amriki* videtur nomen corruptum. Non enim potuit propter pallorem, a veritate exortum, clare et distincte legi. Videtur substituenda vox *Angri* vel *Angeri*. Videtur scriptor codicis nostri indicare voluisse, villam *Budinesfeldun* in pago *Logne* vel *Nitberse*. Sciendum enim est, nostram antiquam Saxoniam olim diuisam fuisse in tres partes seu prouincias maiores, scilicet in *Saxoniam orientalem*, *Westfaliam*, atque *Angariam*, testante Widekindo nostro in *Annal.* Lib. I. p. 634. his verbis: *Geni Saxonum triiformi genere ac lege prater conditionem seruilem diuiditur. A tribus etiam principibus totius gentis ducatus administrabatur, certis terminis exercitus congregandi potestate contentis, quos suis locis ac vocabulis nouimus signatos, in ORIENTALES scilicet populos, ANGARIOS atque WESTFALOS. Si autem vniuersale bellum ingrueret, sorte eligitur, cui omnes obedire oporteat, ad administrandum imminens bellum. Quo peractio aequo iure ac propria potestate vnus-* quis-

quisque contentus vivebat. Nominatur autem Westfalia interdum quoque Saxo-
 guberna occiden-
 tia; vtraque vero Saxonia tam orientalis quam occidentalis flumine nante
 Wisera quasi determinabatur. Nominabantur illi itaque *Westfali*, qui Rhenum Corbe-
 inter ac Visurgim confederant. *Angaria* autem in media vtriusque Saxonia, tam iam Wa-
 occidentalis quam orientalis, parte interiacebat. Hinc id loco erroris est rino.
 de- purandum, quod defunctus a. 1746 Lauensteinius, quondam Hildesensium ad
 S. Michaelis ac tandem ad S. Iacobi animarum parochialium pastor, in *Historia*
Episcopatus Hildesensis p. 12. seq. denuo recoxit, ratus, *Angariam* ad *Westfaliam*
 duntaxat relaram fuisse. Ipse eam ob causam merito a doctis Lipsiensibus fuit
 castigatus. Quamvis vero Lauensteinius ad chartas geographicas antiquas Ger-
 maniae prouocauerit, nemo tamen non videt, illis in hisce antiquioribus geogra-
 phiae momenti nullam inesse vim, nullum pondus. Vetustiora diplomata hic
 omne ferunt punctum. Sitam autem fuisse *Angariam* rum cis, tum trans Vi-
 surgim, docent diplomata nostra Corbeiensia. Ipsam Corbeiam trans Visurgim
 fuisse in *Angaria*, patet exinde, quod illa ponitur modo intra pagum *Angri*,
 modo in pago *Auga*. Pagus *Angri* sine vilo dubio denotat pagum maiorem seu
 generalem; pagus vero *Auga* designat pagum specialem. Est ad manus diploma quod-
 dam praestantissimum, nunquam antea editum atque in *Historia* Corbeiensis eden-
 dum, cuius clausula haec est: *Actum Corbeia secundum leger Angeriorum*. Pa-
 gum porro Suilbergi cis Visurgim in comitatu Dasselienfi fuisse in *orientali Saxo-*
nia atque in *Angaria* situm, diploma quoddam ineditum clare demonstrat. Ad-
 dimus, pagum praeterea Logni cis Wiseram in principatu Göttingensi fuisse An-
 gariae partem. Adprobabimus sequenti diplomate imperatoris Hludouici,
 quod ex autographo accurate in lucem producimus, id, quod veritati congruere
 modo contendebarum. En illud:

Q In nomine domini dī et saluatoris nri ihu Xpi hludouicus diuina
 repropitiante clementia impri augustus. si liberalitatis nostrae munere
 de beneficiis a dō nobis conlatis locis dō dicatis quiddam conferimus
 id nobis et ad mortalem uitam feliciter transigendam et ad aeternam
 perpetualiter obtinendam profuturum liquido credimus. Id circo no-
 notum fieri uolumus oīū fidelium nostrorum tam praesentium quam
 futurorum solertiae quia complacuit serenitati nostrae quasdam uil-
 las iuris nostri sitas in *angrariis* in *logni* quarum uocabula sunt *subbichi*
 et *hemlion* monasterio quod dicitur noua *Corbeia* ubi praesenti tempo-
 re uuerinus uenerabilis abba pastor et rector esse dinoscitur sub inte-
 gritate per hanc nostram auctoritatem delegare ut nostris et successo-
 rum nostrorum temporibus in ditione eiusdem monasterii perpetualiter
 consistant ad stipendia monachorum inibi constitutorum et necessi-
 tates eiusdem monasterii procurandas atque subleuandas. has ut dixi-
 mus uillas sub integritate cum omnibus rebus appendiciis et terminis
 suis et cum omnibus rebus ad se pertinentibus id est domibus ceteris-
 que aedificiis terris pratis siluis campis pascuis aquis aquarumque decur-
 sibus cultis locis et incultis mobilibus rebus ac se ipsas mouentibus
 mancipiis diuersi sexus et aetatis praedicto monasterio concedimus atq.
 confirmamus ut ab hac die in futurum sicut dictum est in iure ac po-
 testate ipsius perpetuo permaneant absque cuiuslibet comitis uel pu-
 blici iudicis aut cuiuslibet personae contradictione uel refragatione.
 et ut haec nostrae donationis atq. concessionis auctoritas inuiolabilem
 et inconuulsam obtineat firmitatem manu propria subter eam firmaui-
 mus et anuli nostri impressione adsignari iussimus.

signum  hludouici serenissimi imperatoris

Hirminmarus notarius ad uicem theogonis recognoui et ff

Kk

data